

先秦—清末



《中國野史集成》編委會

四川大學圖書館

編

中國野史集成

錢謙題



《中國野史集成》編委會
四川大學圖書館 編

	中
集	國
成	野
23	史

先秦——清末



巴蜀書社

目錄 (第二十三冊)


革除逸史	一
姜氏秘史	一八
革朝遺忠錄	一〇九
建文年譜附甲申秋抄山僧問答	一五五
建譜誌餘	二〇八
建文皇帝事蹟備遺錄	二一七
革除建文皇帝紀	二三一
致身錄	二四〇
東朝記	二四三
建文遜國記	二六五
奉天刑賞錄	二七七
前北征錄	二九一
後北征錄	二九六
北征記	三〇一
北定交南錄	三〇八
仁廟聖政記	三四八
正統臨戎錄	三六一
正統北狩事蹟	三六一

否泰錄	三六六
北征事蹟	三七三
北使錄	三七七
復辟錄	三八六
天順日錄	三九四
西征石城記	四一六
撫安東夷記	四二二
平夷賦	四二六
興復哈密記	四二九
東征紀行錄	四三三
治世餘聞錄	四四一
平番始末	四七九
繼世紀聞	四九五
備遺錄	五〇三
武宗外紀	五二一
西征日錄	五三三
平濠記	五四三
江海殲渠記	五五〇
炎徼紀聞	五五七
廣右戰功	五八七

革除逸史

欽定四庫全書提要

革除逸史二卷明朱睦㮮撰睦㮮有易學



著錄是書以建文帝一朝事跡編年敘之明史藝文志載睦㮮遜國記二卷不載此名然不容同記一事乃分著兩書卷數又復相合殆卽此書之別名也革除一事其初格于文禁記載罕儻在當日已無根據迨公論大明人人以表章忠義爲事撰述日夥而從亡致身諸錄遂相續而出真偽相半疑信互爭遂成一聚訟之案糾結靡休符驗黃佐

革除逸史

提要

一

稍有辨正尙未能確斷睦㮮自序獨辨建文帝髡緇遜去及正統間迎入大內之說乃好事者爲之故載建文四年六月事祇以宮中火起帝遜位爲傳疑之詞亦可謂善持兩家之平矣

革除逸史原序

夫載籍之興可以勸善可以懲惡可以獎成可以懼敗斯有國之常訓也革除間史臣遠嫌不紀建文之事以致四年政令闕而不傳自仁宣以後山林之士稍稍出逸文談往事於是有撰靖難錄者有撰革除錄者余嘗觀二錄其辭或抑或揚俱失太過而革除錄失實尤多如謂遜國君假髡緇遜去又謂正統間自滇雪歸入居大內以壽終葬之西山不封不樹又撰偶詩三章有流落西南四十秋之語此皆好事者爲之也嗚呼一倡羣和至今百餘年疑者半信者半卽海鹽玉山東苑皆稱博雅之儒而不能辨諸說之誤可慨也已今上嗣統首詔有司表章遜國諸臣余感其事乃取諸家論述參以所聞爲書一編略具四年之事名曰革除逸史愧非茂先之彊記子產之博聞爰因舊文聊寓筆削雖不足裨補闕遺庶覽者或有稽焉萬歷二年秋七月既望汴上睦樗撰

革除逸史

原序

革除逸史卷一

指海第五集

明 朱睦㮮 撰

建文帝諱允炆太祖之孫懿文太子之子也洪武十年十有一月己卯生生六年而其兄雄英卒又十年而懿文卒上年六十有五矣御東角門對羣臣泣翰林學士劉三吾進曰皇孫富於春秋正位儲極四海繫心皇上無過憂上曰善是年爲二十有五年九月庚寅立爲皇太孫三十有一年五月甲寅上不豫每旦視朝如故閏五月甲申上大漸召兵部尙書齊泰授顧命乙酉崩於西宮遺詔止諸王入臨辛卯皇太孫卽位以明年爲建文元年大赦天下上皇祖考諡曰高皇帝廟號太祖皇祖妣曰高皇后是月葬太祖於孝陵丙申追封皇考懿文太子爲孝康皇帝廟號興宗皇妣敬妃常氏爲孝康皇后尊母呂氏爲皇太后妃馬氏爲皇后子文奎爲太子追封兄雄英爲虞懷王封弟允熲爲吳王允熒爲衡王允樞爲徐王追封江都郡主爲長公主宗人府儀賓耿璿爲駙馬都尉命齊泰及太常卿黃子澄參與機務六月以蹇義爲吏部右侍郎夏原吉爲戶部右侍郎董

革除逸史

卷一

一

守山閣

倫爲禮部左侍郎兼翰林學士王景彰爲禮部右侍郎兼翰林侍講練子寧爲副都御史王坤爲國子博士戴元禮爲太醫院召漢中府學教授方孝孺爲翰林侍講與董倫同備顧問秋七月徙置周王於蒙化王諱懋太祖高皇帝第五子孝慈高后產也生而忠敬慈孝惠和太祖高后甚鍾愛洪武三年封於吳十三年改封周之國開封初太祖大漸時帝爲皇太孫御東角門黃子澄侍帝曰諸王各擁重兵位崇勢偪何以制之子澄曰漢平七國而天下寧帝曰誠如此謀吳無憂矣及踐位

革除逸史

卷一

二

召子澄謂曰先生憶昔東角門之言乎對曰不敢忘然事貴密子澄退與齊泰謀泰欲伐燕子澄曰不可燕兵最精卒難圖不如先取周周乃同母去其手足而後燕可圖也兩人議定白於帝乃命曹國公李景隆帥師備邊假道開封圍王宮遂執王及世子至京師坐以不軌備懼窘辱世子不忍父之非辜遂自誣伏由是王得木減乃闔宮遷之雲南蒙化有司防之嚴擲物以給仍留世子於京師又數月命再審鞫世子承伏如初乃責置臨安八月以雲南左布政使張統爲吏部尙書右布

政使陳迪爲吏部尙書都督僉事何福爲征北大將軍帥師征百夷都督僉事徐凱副之九月長星殞有聲乙酉雲南總兵官西平侯沐春卒冬十月何福進兵金齒討百夷平之召北平總兵都督楊文還京師十有一月以工部侍郎張昺爲北平左布政使河南衛指揮僉事謝貴爲北平都指揮使伺察燕事沐春諡惠襄無子弟晟嗣西平侯鎮守雲南何福以平夷功進右副都督同知詔求直言舉山林巖穴懷才抱德之士以浙江左布政使王純爲戶部尙書進士曾鳳

革除逸史

卷一

三

韶爲監察御史國子學錄張智爲司業皇子學訓導鄒緝爲助教燕府訓導康汝楫爲安岳知縣詔征南將軍都督僉事顧成班師罷北平河南山東山西陝西五省及淮安徐州學校貢士十有二月以鄭賜爲工部尙書陳彥回爲徽州知府韓宜可爲右副都御史謫監察御史解縉爲河州衛吏以入臨非旨是歲承天門災洪武三十有二年即建文元年春正月庚辰有事於南郊以太祖高皇帝配禮成帝御奉天殿受羣臣賀明日賜天下高年米肉帛絮有差更定官制詔修太祖

高皇帝實錄以魏國公徐輝祖監修禮部左侍郎兼翰林學士董倫禮部右侍郎兼翰林學士王景彰翰林侍講方孝孺爲總裁太常少卿廖昇侍講學士高巽志爲副總裁修撰李貫博士王紳教授胡昭審理副楊士奇知縣葉惠仲訓導羅恢吏日程本立爲纂修官本立遷都御史尋坐祀事不敬降秩仍預纂修 二月命都督韓觀治兵德州都督宋成治兵甘肅 廢梁國公胡顯爲庶人安置臨襄以楚府姻親之故 分遣右都御史景昭侍郎夏原吉給事中徐思勉等凡二十四人充採

革除逸史

卷一

四

訪使巡行天下 三月封孟炯爲永安王 丁亥帝視太學 改侍郎黃觀爲禮部侍郎左都御史景清副都御史練子寧爲御史大夫監察御史戴德彝爲左拾遺都督府經歷胡閏爲右補闕時北平按察僉事湯宗希合帝意言按察使陳瑛受燕府金錢有異謀詞連右布政使曹昱副使張璉俱逮詔獄瑛安置廣西昱爲民璉銅陵典史 帝用齊黃之策勅都督宋忠帥邊兵三萬及燕府護衛健卒成開平都督徐凱成臨清都尉兼都督僉事耿璿戍山海關又召燕府鐵騎指揮閔童等還

京師調北平永清兩衛官軍戍彰德順德 夏四月荊州告變調湘王柏私造寶鈔殘虐殺人乃遣使讓王王曰吾爲高皇帝子南面而王先帝疾不及視葬不及會抱茲沉痛何樂於生又將辱於奴隸乎因慟哭具服赴火而死葬江陵賜謚曰戾未幾青州等府告變錮齊王博於京師幽代王桂於大同置岷王榷於漳州並廢爲庶人 京師地震日赤無光監察御史尹昌隆上言陰盛陽微姦臣專擅之致執政者惡之貶昌隆爲福寧知縣 當是時文皇於諸王中最長兵力最强朝廷深疑

革除逸史

卷一

五

而長史葛誠又時時告密文皇知之因托疾不出久之稱疾篤張昺謝貴入問文皇盛夏猶重裘擁火昺貴出歎息教授俞逢臣附耳曰王無恙不得帝心故耳已而三都督謀燕益急五月太祖小祥時燕世子及弟高煦高燧以會葬尙留京師文皇疾奏乞三子歸視齊秦因之欲請並收黃子澄曰不可事實彼先爲備不若且還令勿疑也乃悉遣歸 六月贈待制王禕爲翰林學士謚文節 以秦府長史茅大芳爲御史大夫右補闕胡閔爲大理卿仁壽縣主簿樓璉爲翰林侍讀漢陽知縣

王叔英爲翰林修撰翌日又召解縉爲翰林侍詔趙諒爲留守左衛指揮僉事詔逮燕府官屬而昂貴與都指揮使張信受密旨擒王以長史誠及指揮盧振爲內應信受命日以爲憂其母疑而問之信以實對母曰不可吾聞而父嘗云王氣在燕果爾非汝所能擒也信聞之益憂不知所從未幾復有勅趣之信慨然曰何太甚乎乃潛入府告其故昂司吏李友直又竊昂密疏以獻文皇乃召姚廣孝等共謀防禦時昂貴已帥北平在城七衛軍士布列城中以柵斷燕府四門文皇曰我病不

革除逸史

卷一

六

布政使郭資按察使畢麟都指揮使李潛陳恭宛平知縣賀寅皆從之卽命資等視事如故時都指揮俞瑱靖難兵起守居庸馬宣守薊州宋忠守懷來宣與鎮撫會潛以薊州兵攻北平不克俱死之薊州遂降甲戌靖難兵破居庸復破懷來都指揮彭聚孫泰戰死宋忠俞瑒俱被執自是遵化密雲開平龍門守將皆歸附忠瑒旣敗死宣府震驚谷王穗奔京師丙戌永平指揮陳旭趙葵郭亮以城降戊子文皇復上書不報庚寅大寧總兵劉貞都督陳亨都指揮卜萬引大寧兵十萬出

革除逸史

卷一

七

松亭關次沙河進攻遵化壬辰靖難兵拔遵化貞等退保松亭關亨陰附燕忌萬不敢發文皇知之貽萬書盛譽萬極詆毀亨密付所獲大寧卒俾歸致且厚賫之同獲卒竊聞因守者請得偕行惟命亦毋庸賞諸得遣不賞者志至卽發其事貞亨得卒書遂執萬下獄是時帝銳文治日興方孝孺輩討論周官法度以爲北兵不足憂黃子澄謂北兵素強且兼有營薊之旅不早圖恐河北遂失乃命長興侯耿炳文爲征北大將軍駙馬都尉李堅都督竇忠爲左右副將軍安陸侯吳傑江陰

侯吳高都督盛庸潘忠楊松顧成徐開李文陳暉平安
各將偏師步騎號百萬數道並進期擣北平檄河南山
東山西三省合給軍餉改建北平布政使司于真定以
刑部尙書暴昭出掌司事徵雲南兵入京備征 八月
已酉炳文兵三十萬次真定都督徐凱兵十萬次河間
時潘忠守鄭州楊松守雄縣相爲聲援 壬子靖難兵
至涿州乃秣馬蓐食日晡渡白溝河夜半抵雄縣圍其
城衆始覺乃登城大罵燕軍憤恨黎明破其城盡殺守
陣士卒松與所部九千人俱戰而死文皇聞諸將恣殺

革除逸史

卷一

八

乃諭之曰我之舉義所以安社稷保生民豈以多殺爲
尙爾等乖我所爲是非求生而欲速死也諸將懼皆免
冠謝文皇怒始釋是日文皇曰潘忠不虞城破必引衆
來援先令譚淵帥兵千餘過月樣橋潛伏水中以芟草
一束蒙其首路旁伏勇士數人望忠至卽舉砲水中伏
起據橋忠果趨橋不得淵帥衆腹背夾擊忠敗被執遂
至鄭州盡奪戰馬輜重 辛酉靖難兵次無極 壬戌
次真定炳文出城大戰敗績兩副將李堅寧忠及都督
顧成都指揮劉燧皆被執堅道殂 丙寅靖難兵還北

平帝聞炳文敗績始有憂色謂子澄曰奈何子澄對曰
勝敗兵家常事無足慮今我士馬情強兵甲堅利彼區
區一隅豈能當天下之力增兵五十萬必奏捷矣帝曰
孰堪將者子澄曰景隆可以當之前不用炳文而用景
隆豈有此失於是遣景隆代炳文馳至軍中齊泰等慮
違王寧王通燕召二王入衛寧王不至詔削其護衛監
察御史韓都上封事其略曰竊聞兵久不解屢削藩封
臣以爲過也何則以諸王言之親則太祖遺體貴則孝
康手足尊則陛下諸父也罪雖可廢而祖之遺體不可

革除逸史

卷一

九

殘親之手足不可去諸父之恩不可虧也且使二帝在
天之靈見其子弟輒遭戮辱亦必不忍臣每念至此未
嘗不流涕也此皆豎儒持偏見廢大公或病藩封太重
日謀削奪以至於此方周岷二王以無過被執執法者
文其罪遂使二王父子流離播遷辱亡齒寒人人自危
二王旣竄湘亦被焚而代齊又告反矣彼爲計者以爲
兵不舉則禍不免是非朝廷激發邪及燕舉兵迄今兩
月我前後調兵不止五十餘萬而乃一矢無獲謂之國
有謀臣可乎將有二心卒不用命以遺君父憂誰執其

啓諺曰親者割之不斷疏者續之不堅陛下誠不察此必有噬臍之悔疏入不省 九月戊辰江陰侯高都督耿璿楊文帥遼東兵圍永平 戊寅大將軍景隆與山東參政鐵鉉合兵趨河間靖難兵援永平 壬辰高等退保山海關 冬十月戊戌靖難兵出劉家口壬寅襲破大寧都指揮朱鑑死之遼王植奔京師 丁未寧王權及都指揮房寬指揮徐理陳亨陳文皆歸燕 景隆聞靖難兵在大寧引兵攻北平築壘九門景隆攻麗正門幾破城中婦女並乘城擲瓦石景隆少却軍於鄭村

革除逸史

卷一

十

壩 甲寅文皇盡得大寧之衆分爲五軍以張玉將中軍鄭亨何壽副之朱能將左軍朱榮李濟副之李彬將右軍徐理孟善副之徐忠將前軍陳文吳遠副之房寬將後軍葉允中毛整副之 辛酉靖難兵入松亭關 十有一月庚午次白河是夜河冰忽合衆忻然而渡趨援北平 辛未玉等與景隆戰於鄭村壩景隆敗績奔德州玉等乘勝遂破紫荆關 乙亥文皇再上書自陳不報 十有二月燕間遼東守將江陰侯高削爵安置廣東專命楊文守遼東 庚申靖難兵攻廣昌守將湯

勝以城降 詔進景隆太子太師初景隆被命北伐也實子澄薦之及軍敗子澄匿不以聞帝一日問子澄比間軍中不利果何如對曰我軍屢戰屢勝彼已退走德州且夕捷音當至矣越三日景隆以阨退燕兵聞故進秩且遣使賚賜貂裘文綺內醢等物復命魏國公輝祖都督瞿能帥師會景隆北伐御史大夫陳性善爲監軍戶部司務錢芹爲行軍署都督是月省躬殿成遷肅王於蘭州以葉砥爲翰林編修梁潛爲陽春知縣胡儼爲桐城知縣顏伯瑋爲沛縣知縣袁義爲都督僉事誅留

革除逸史

卷一

十一

守左衛指揮同知李申申燕府儀賓讓之父也 洪武三十有三年_{即建文二年}春正月丙寅靖難兵攻蔚州守將王忠李遠以城降 湖廣參議楊砥上言臣聞帝堯之德親九族和萬邦不宜加兵燕藩自翦其輔枝葉盡而本根撥矣帝怒砥視其秩安置遼東 置後湖祇候所 二月封孟焯爲壽昌王贊儀爲靖江王 辛丑靖難兵由居庸還北平 壬寅以禮部尙書陳迪右侍郎黃觀知貢舉翰林學士董倫太常少卿高巽志充考試官右拾遺朱逢吉吏部郎中陳旭及史官葉惠仲吳

勤趙友士張秉彝爲同考試官御史王度命吉士爲監

試官 甲子改都察院爲御史府 三月丙寅策禮部

貢士吳溥等一百一十人以胡廣爲第一王良次之李

賈又次之 夏四月丙申景隆兵次德州武定侯郭英

與安陸侯傑次真定會兵六十萬號百萬并力北伐帝

遣中官賜景隆璽書斧鉞景隆得璽書斧鉞益驕恣

庚子靖難兵出北平壬寅次武清癸卯次固安癸丑度

白溝河遇平安伏兵擊破之己未景隆英傑俱會於白

溝庚申瞿能父子與燕將房寬接戰英等分兵爲兩翼

革除逸史

卷一

三

擒斬數百人殺其將陳亨大軍矢石如雨射中文皇馬

凡三破創而三易馬矢三服皆盡乃提劍左右擊劍鋒

亦缺折退走登堤景隆疑有伏不敢進追高煦見事急

以騎兵數千趨文皇所會大風起景隆旗折軍亂文皇

帥煦復馳入陣大戰燕軍斬俞通淵及瞿能父子縱火

燔諸營景隆英傑俱奔潰委弃輜重無算景隆璽書斧

鉞盡爲燕軍所獲是役也殺溺死者二十萬人景隆單

騎還德州 壬戌靖難兵圍德州 五月辛未景隆自

德州潛出奔濟南 癸酉燕將張信入德州奪軍餉自

萬轉掠濟南參政鐵鉉都督盛庸參贊高巍自臨邑入

濟南 丁丑文皇遣都指揮陳旭守德州 己卯帥兵

遂圍濟南攻之急鉉與庸巍日夜防禦乘間大挫之辛

巳燕軍引水灌城濟南人大懼鉉曰無恐計且破之令

登陴人皆哭呼曰旦夕且降盡輟守具出千人城外伏

地請文皇大喜遂下令退兵受降鉉於是懸鐵板城上

伏壯士圍堵中及文皇入下鐵板傷其馬首文皇棄馬

取從馬以歸圍堵中伏發文皇擊退復合兵圍濟南

是時齊泰黃子澄聞景隆等數敗濟南危急乃謀罷兵

革除逸史

卷一

三

壬午命尚寶丞李得成使燕文皇諭得成曰吾嘗三上

書陳達申懇皆不見答不復敢瀆爾歸報朝廷自古聽

讒邪以殘骨肉鮮不覆敗我爲藩王尙復何求而讒人

交構發兵見屠是以不得已用兵自救猶日望有回旋

之恩夫明主之治天下不忘所尊不弛所親舉其大而

略其細是以九族睦而天下平今欲轉禍爲福如反掌

耳誅奸讒以謝祖宗去新法以復舊制施恩宗親罷兵

息民以保國家無窮之休若狃於權奸必窮支屬但恐

自濟南具言之帝怒下得成獄 六月詔置諸藩賓輔以楚府儀賓馬注爲孝陵衛指揮僉事 秋七月平安等帥兵二十萬亟趨德州奪燕餉守將陳旭懼遁歸北平 八月戊申濟南圍解以鐵鉉爲山東左布政使有功將士姜貴等五十四人陞賞有差帝以景隆屢戰屢北召還京師命左都督盛庸代總戎事仍以濟南功封庸歷城侯佩平燕將軍印鉉進兵部尚書參贊軍務及景隆入見赦不誅子澄諫不聽翌日御史大夫子寧執景隆於朝班且泣且數請誅之亦不聽 九月壬戌朔

革除逸史

卷一

四

承天門成詔改爲學門又改午門爲端門端門爲應門前門爲路門謹身殿爲正心殿罷華蓋文華武英文淵諸殿大學士是日尚書鄭沂乞老改孝孺爲文學博士 乙丑靖難兵還北平 冬十月乙未兵部侍郎盧淵以罪罷清遠戍卒羅義上書乞敦親罷兵不報 歷城侯庸帥衆次德州安陸侯傑次真定徐凱次滄州相爲犄角以困北平滄州城潰凱督士卒修築 丙午靖難兵佯出攻遼東至通州循河而南戊午渡直沽軍士銜枚夜行獻明抵滄州城下凱等倉卒出禦不戰而潰凱

及都督程暹都指揮趙許胡原李英張傑皆被執時降燕者數萬人燕將譚淵夜坑殺降卒三千人凱等皆降 十有一月壬申靖難兵次臨清甲戌次大名 十有二月甲午次汶上庸鉉帥兵躡其後先鋒孫霖營滑口燕將朱榮劉江襲破霖營都指揮唐禮被執霖逃走 乙卯靖難兵次東昌庸軍背城而陣燕以騎兵擊左翼不應擊右翼亦不應文皇因深入庸麾伏起被圍數重左右翼夾攻文皇窘甚及暮朱能周長以鐵騎奮擊文皇潰圍而出燕軍爲火器所乘大敗殺燕將張玉丙辰

革除逸史

卷一

五

復戰又敗燕步卒先走庸乘之殺傷萬計丁巳庸傳檄真定滄州諸將水陸犄角邀其歸路靖難兵由間道還北平 是歲以徐實爲兵部侍郎劉季篈爲刑部侍郎唐愚爲翰林侍讀鄒瑾爲大理寺丞詔舉優通文學之士

革除逸史卷一終

洪武三十有四年

即建文三年

春正月辛酉作凝命神寶成

是日歷城侯庸遣使獻東昌之捷丁丑帝告捷于郊廟

二月乙巳文皇復帥衆出北平己酉次保定 唐合

諸軍二十萬三月己卯次夾河 庚辰靖難兵亦次夾

河 辛巳兩軍方成列文皇以三騎覘庸軍而還庸見

三騎卽遣數十騎追之文皇勒馬控弦以待追騎近引

兵射殪一人已復追又殪一人如是連殪數人追騎不

敢逼文皇乃以萬五千人薄庸軍庸軍擁盾層疊自蔽

革除逸史

卷二

一

靖難兵以木積攻之自辰至未勝負未決兩軍退稍憩

忽東北風起塵埃蔽空庸軍昏暗不辨咫尺燕將乘風

縱火趣兵擊之庸軍大敗都指揮楚智莊德俱死之燕

將譚淵亦被衆軍所殲庸是夜走還德州 癸未安陸

侯傑都督平安自真定帥衆次單家橋來援庸軍甲申

靖難兵掩至傑等不及陣而敗死者無算 閏三月罷

兵部尚書齊泰太常卿黃子澄以謝燕以尚書茹常掌

兵部事泰子澄雖解秩然實用事 乙未安陸侯傑軍

滹沱河北去靖難兵七十里文皇諜知亦帥衆渡河傑

聞靖難兵渡河復移軍藁城己亥傑列營城西南靖難

兵分步卒擊其三面傑發火器大弩射文皇不中矢集

燕旗如虬毛平安結樓陣間高數丈文皇舍諸軍直趨

樓下安見文皇馳至急下樓而走傑軍亦敗都指揮鄧

戢陳鵬皆被執傑等還真定 己酉靖難兵次順德

辛亥次廣平 是日帝貽書文皇謫斥兵部尚書泰太

常卿子澄欲罷兵息民癸丑文皇復上書曰比聞奸臣

泰子澄皆已竄逐臣家長少皆忻喜有更生之望卽以

此意徧告將士將士曰誠所願見但慮非誠心而奸臣

革除逸史

卷二

二

爲退避之計以緩我耳如出誠心則盛庸吳傑之衆當

悉召還而猶聚境上侵迫不已則是奸臣之身雖退而

其計實行也臣思其言恐亦或然夫聖人感人至誠而

已至誠可孚豚魚而況人乎陛下推誠待下誰不說從

若徒示以去奸臣之名而實用其計非獨撤陛下之藩

籬將遂傾陛下之堂室莽操之事前覽甚明此不特智

者而後知也書至帝召孝孺視書對曰今諸軍大集燕

兵久羈大名暑雨爲沴不戰自罷急令遼東諸軍攻永

平真定諸軍攻北平彼顧巢穴歸援我以大軍蹙其後

必成擒矣我固緩之而奏適至且與報往返踰月彼心懈而衆離我謀定而勢合帝曰善立命孝孺草詔罷兵命大理少卿薛昂持報燕又刻榜諭數千授昂密布中軍令其解散諸將士見榜諭怒甚欲殺昂文皇曰不可此天子命使也留眞左右慰諭數日遣中使護昂出境語之曰歸爲老臣謝天子天子于臣至親臣父天子大父天子父臣同產兄也天子素愛臣一旦爲權奸讒構以至于此臣亦不得已爲自救之計耳幸蒙罷兵之詔臣不勝忻戴但奸臣尙在大軍未還臣將士心存孤

革除逸史

卷二

三

疑未肯遽散望陛下誅此奸臣數人散歸天下兵馬臣父子一童一騎歸罪闕下惟陛下命之夏四月昂歸入見備述文皇之意帝語孝孺曰誠如昂言曲在朝廷齊黃誤我矣孝孺曰昂受燕賄故爲之說遂罷議五月癸卯歷城侯庸安陸侯傑出兵扼燕餉道文皇令指揮武勝上書曰頃蒙遣大理少卿薛昂下詔軍中諭以偃兵息民雖臣將士不能無疑臣之父子蓋已仰戴陛下之仁矣昂歸未十日吳傑等頻疊發兵絕臣餉道殺臣將校將校守臣約束不敢赴闕而彼欲求費略不見舍

與比下詔旨肯馳誠有以中將士之疑孤臣父子之所仰戴矣臣之忠誠計昂歸已達惟陛下擴明奮斷以安天下臣亦有保全之望矣帝覽書曰燕王本皇考孝康皇帝母弟於族爲叔父奈何必用兵爲也召諭意孝孺孝孺對曰陛下欲罷兵兵一罷卽難復聚彼或長驅犯闕何以禦之今軍聲大振不日有捷書來聞願陛下無惑甘言遂縛勝下獄是日刑部左侍郎王良以勘燕事不合旨出爲浙江肅政按察使六月辛酉文皇問勝下獄知前詔旨非實乃遣李遠至濟寧又至沛縣焚

革除逸史

卷二

四

餉舟萬艘漕卒散走京師震驚是時觀海衛指揮張壽與客私語國事危急皆由北伐之誤執政者聞而惡之言于帝壽坐妖言誅自是無敢言國事者秋七月命太僕少卿祝孟獻使朝鮮市馬己丑靖難兵襲彰德不克癸巳文皇遣都指揮張禮破尾尖寨丙申林縣守將以城降丁酉平安邀擊燕將劉江于平村戊戌帝使錦衣衛千戶張安貽燕世子書先是孝孺聞高煦高燧不睦於世子屢譏于父內使黃儼素奸險世子惡之儼曰事高燧與世子守北平高煦從文皇軍中

時時傾世子孝孺言于帝曰兵家貴間燕父子兄弟可
間也帝曰奈何間之孝孺告其故帝曰善立命孝孺草
書貽世子令歸朝且許王燕地世子得書不啓函并安
致文皇所燧及儼先已馳使告文皇世子且反文皇疑
問高煦煦曰世子夙與太孫雅善語未竟世子書至文
皇覽書乃嘆曰幾殺吾子縱安還 壬寅大同守將都
指揮房昭引兵由紫荆關趨西水寨 八月雲南老撾
及八百才板面遣使入貢 丁巳靖難兵渡滹沱河

革除逸史

卷二

五

昭軍命都指揮朱榮帥兵三萬邀擊破之 九月壬辰
靖難兵次定州欲攻西水寨甲辰都指揮花英鄭琦帥
步騎三萬援西水寨 冬十月丙辰英等列營義眉山
下是時圍寨已久寨軍多南人天寒思歸會月夜文皇
命四面皆吳歌南軍聞之殞泣有潛下寨降者詰朝文
皇帥兵出陣後合戰房昭韋諒不能支退走英琦及都
指揮王恭指揮詹忠皆被執西水寨遂破 己卯靖難
兵還北平 是月翰林修撰王艮卒 十有一月都督
楊文帥遼東兵圍永平不克庚戌移兵攻昌黎遇燕將

劉江戰敗指揮王雄等七十一人皆被執 辛亥京師
置神武中衛盱眙置鎮淮衛又置沛豐衛軍民指揮使
司以備燕 十有二月以駙馬都尉梅殷守淮安 丙
寅靖難兵出北平壬午次蠡縣 是月太祖高皇帝實
錄成 皇少子文圭生 以龔泰爲禮科都給事中陳
治爲吏部郎中羅恢爲國子學錄程通爲遼府長史改
程本立爲江西肅政按察司副使

洪武三十有五年

即建文四年

春正月召周王舍之京師

甲申燕將李遠次藁城歷城侯庸亦遣葛進以馬步兵

革除逸史

卷二

六

萬餘乘冰渡滹沱河方半渡會遠至進見遠兵少歛退
繫馬林間以步卒逆戰遠佯敗分兵潛解所繫馬前軍
奮擊進退失馬遂大敗斬首四千餘級進僅以身免
戊戌靖難兵破東阿遂破東平指揮詹環被執吏目鄭
華戰死 庚子靖難兵拔汶上守將薛鵬被執 辛丑
兵將入充文皇下令曰曲阜孔子之鄉鄒縣孟子之鄉
師入境有損一草一木者殺無赦 庚戌靖難兵攻沛
縣守將指揮王顯以城降知縣顏伯璋及主簿唐子清
典史黃謙俱死之 二月甲寅靖難兵拔濟陽執教諭

王省縱之首還升明倫堂集諸生大哭諸生亦大哭省觸堂柱而死 甲戌文皇次徐州 乙卯遣使祭徐王墓禁其樵採 三月甲申靖難兵由徐州遂趨宿州辛卯次蒙城壬辰次渦河 甲午平安等逆戰敗績獲鐵騎指揮火耳灰及哈三帖木兒平安變服遁走 夏四月甲寅安徙淝河乙卯與燕將王直陳文等復戰真後隊不繼安麾兵圍數匝真度不免乃自剄文亦被殺是役也文皇督戰急幾爲安棚所及馬蹶文皇乃脫裨將丁良宋彬被執燕軍大懼 丙辰安營于小河南靖難

革除逸史

卷二

七

兵營于小河北 甲戌魏國公輝祖移軍援安與燕軍戰于齊眉山下輝祖斬燕將李彬等十餘人燕兵退走 乙亥燕諸將欲還小河東俟隙而動文皇不聽 丙子何福引兵會安燕軍益懼會京師訛聞燕軍北歸召輝祖入衛 丁丑安軍次靈璧靖難兵遮其餉道福等來接已卯戰敗指揮宋瑄死之於是安及參將馬浦徐真都指揮孫成禮部侍郎陳性善大理寺丞彭興民欽天監副劉伯完指揮王貴皆被執性善與民伯完文皇皆縱之還性善愧憤躍馬入河而死 黃子澄聞諸軍

屢戰屢敗乃撫膺慟曰大事去矣吾輩萬死不足以贖誤國之罪 五月己丑靖難兵攻泗州守將周景初以城降是日文皇謁祖陵已諸父老入見賜以牛酒慰勞 辛卯歷城侯庸帥步兵戰艦次淮南靖難兵次淮北燕將朱能並福潛濟出庸後庸懼不戰而退靖難兵遂乘勝渡淮拔盱眙 壬辰兵次揚州江都知縣張本修治城守之具其母曰歷數有歸守之何益本悟遂與指揮王禮謀執監察御史王彬守將指揮崇剛以城降彬剛不屈皆死之 癸巳衡府紀善周是修靖江府直史

革除逸史

卷二

八

蕭用道上書論國大計且指斥誤國之罪執政者怒大詬二子二子不動子寧曰國事至此尚不容言邪詬者乃止 壬寅帝下罪己之詔遣禮部侍郎黃觀國子祭酒張顯宗翰林修撰王叔英與子寧分道徵兵于上游諸郡明日令慶成郡主如燕文皇見郡主慟哭郡主亦泣下沾襟少頃郡主以割地請文皇曰吾所受先帝封土且不保割地何用吾此來欲得奸臣耳志在清朝廷安社稷不在土地但得罪人卽謁孝陵朝天子求釋諸王之囚歸守舊藩耳此議蓋奸臣欲緩我以待援兵吾